

奉天通志

第七卷之四

奉天通志卷九十九

禮俗三

神教

居室

衣服

飲食

器用

神教

中國孔子集羣聖之大成以儒立教萬世宗仰然不以宗教名也漢唐以降佛老爭鳴金元及清起自北方崇佛尤盛奉省各縣祠廟遍於城鄉道教則自元邱長春應元祖召北來其徒遂散居四方流衍不絕洎清中葉基督天主之徒遠涉重洋來茲傳教亦復不尠奉省惟天方教徒尙不甚衆或謂世界文化愈進科學愈明則神教勢力漸趨衰滅詎知時至今日人心陷溺奸僞萌起機穽百出法律不足懾其行道德不足範其心舉世風靡隱憂滋大神教之設未嘗不可補偏救弊使愚頑不靈者怵於冥罰稍戢其暴

戾恣睢之氣而不敢顯然肆於惡庶幾挽救世道人心於萬一是以民國肇興予人民信教自由使之各尊所聞各行所知記所謂萬物並育而不相害道並行而不相悖俾民日遷善遠惡而不自知倘亦聖人神道設教之意也夫志奉省各教概略如左

佛教

奉省佛教可分二支來自中土者曰和尚教來自西藏者曰喇嘛教考之史乘證以金石則中土釋教傳至遼東當在六朝時代今義縣城西十五里萬佛堂石窟有北魏景明間韓貞造像鄰近復有太和三十三年營州刺史元景造像碑記可參證也達摩渡江爲禪宗第一祖高麗據遼其教流入遼東高麗僧一然其最著者考其時當在晉代唐太宗東征高麗佛教傳布流衍彌廣殘碑廢

迹在在可尋如海城之金塔寺銀塔寺相傳爲唐時所建毘盧寺舊址唐代古松巍然猶存城南十九里松山之南大望海寺明景泰中寺僧掘地得唐太和四年勅賜松山法華禪寺鉞磬等十餘事蓋唐時爲法華寺後更名望海也義縣東街大佛寺大雄殿高十餘丈佔地基八十一方丈內塑金身佛像七尊均高與殿齊佛之耳內能容一人佛之掌可坐四人尙有餘地相傳爲唐時所建內有元明清重修碑碣遼金元各代皆佞佛沿用唐開成舊制置僧官見諸史志者遼金各京府有都僧錄現錦縣城內西隅大廣濟寺遼道宗清寧間造藏皇后所降之舍利金中靖大夫高漣有塔記金南陽郡王張浩兄慧休大師官東京管內都僧錄世宗母貞懿李后母家遼陽祝髮爲比丘尼曾以內府金錢三十萬建清

安寺

寺址在今遼陽城外西北隅

寺僧善英徒僕數百人有資鉅百萬厥後爲

禪宗九代祖世宗卽位擴其舊制廟貌極一時之盛錦縣城西四十里北山上普陀寺石佛百餘元正統中鎮守太監王彥等木鏤千手千眼大士像十範羅漢及諸菩薩因擬落伽之勝名曰普陀明清以降伽藍愈增司其事者有僧錄司通都大邑寺宇林立而醫巫閭千山輝山諸處梵音磬鉢聲徹林樾其寺宇沿革見建置志茲不備述近日僧衆創立佛教會設置分部定期說法或附置學校研究內典學人亦多樂此居士遂於釋典者頗有其人然佛理高深非有特殊好尙一般平民結緣者蓋尠唯居民多供佛像以觀音釋迦爲多亦焚香頂禮焉喇嘛教以衣色別爲黃紅白青滿蒙錫伯人信之極篤遼陽城南蓮花寺有天聰六年碑載白大

喇嘛由烏斯藏越蒙古境率百餘戶歸清太祖賜以莊田奉爲國

師白衣僧也其後無傳城西水泉喇嘛園紅衣僧也其餘各寺住

持皆青衣瀋陽外攘門關外實勝寺爲黃教喇嘛俗呼黃寺

亦曰皇寺

清太祖以偏師破明總督洪承疇兵十三萬於松山師還建寺中

藏清太祖太宗御用甲冑弓矢供奉邁達里佛

清實錄崇德三年八月壬寅實勝寺

工成是先墨爾根喇嘛載古怕斯八喇嘛所供哈喇佛至重命於盛京城西三里外建寺供之至是告成賜名實勝寺鑄鐘

千斤懸於寺內餘如御花園之長寧寺東塔永光寺西塔延壽寺

南塔廣慈寺北塔法輪寺俱國初勅建歲給茶燭衣帽喇嘛均有

品級交通官府或干預詞訟民間皆畏敬之黃寺每正月十五日

祭典寺僧雜扮諸神鬼狀謂之跳躑省會士女傾城往觀甚盛事

也鄉間滿蒙錫伯居民皆奉佛銅像小木龕置案頭常年香火供

卷之三 禮俗三 神教

養甚虔值新年近寺喇嘛來諷經謂之開光家長沐手燃佛燈炷香爐內率男婦老幼序列跪佛前喇嘛旁立搖銅鈴誦番經散雜糧灑糖水畢注糖水於茶杯以少許傾水缸中餘瀝分飲之謂可卻百病或以灌頂洗目取頭清目明之意也事訖酬以錢鈔或米穀而去正月十五前日或數起接待不厭也幼兒病許廟中爲喇嘛祝畢歸家稍長詣廟拜佛前喇嘛諷經畢令立木凳內以帚桿揮之於凳外示驅逐之意謂跳牆喇嘛今此風已殺待喇嘛不若向日之禮敬矣

道教

道教又名闡教導源於老聃莊周老莊之學以清靜無爲爲主及河上公注老子始引申及養生之術又有方士一派偶爲長生不

死仙島靈芝之說東漢張道陵出符籙之學大盛晉葛洪又益以丹鼎服食之術紛紜詭誕咸歸道宗唐奉老子爲玄元皇帝立廟致祀其徒彌廣然皆蔓衍於東南遼東自丁仙化鶴後未之有聞及邱處機至北京其風始扇處機號長春子南宋人從王重陽學得先天大道元太祖遣使齎虎頭牌間關徵聘經女真泛渤海八年而後得見三請乃命駕時太祖遠征西域真人行在入覲以天道好生不嗜殺人爲諫太祖重之尊爲國師爲建長春宮弟子十八人隨地布教道以大顯號龍門宗今中國北部道流皆其法嗣滿清開國郭真人望氣東來世祖時預示龍飛之讖入關定鼎勅建太清宮於瀋陽以居之如元祖建長春宮故事廟在今省城外攘門外院宇清幽堂室壯麗爲遼東道教叢林清光緒初年道士

魏永彩請南陽道師張度戒一壇遂爲東省道士受戒之所遼左
道教從此大昌教徒散居四方到處立廟如德勝門內景佑宮明
時創建有萬曆丙寅重修碑記內治門有老君堂天祐門外有玉
皇閣德勝關街東有南極宮天祐門外有清虛觀七聖宮內治門
外有五聖觀福勝門外有五聖宮白衣庵皆爲道冠修持之所他
若千山之無量觀五龍宮慈祥觀青雲觀南泉庵皆道院尤以無
量觀爲最道士百餘朝夕諷經日中耕樵至今不衰又蓋平西南
伴仙山明天順中有道士號黃花老人居此仙去海城西鍊丹臺
相傳爲仙人白仲理鍊丹之處又有火居道士一派以符籙經懺
陰陽方伎立教號爲靈寶宗亦曰正乙派相傳出於漢天師張道
陵俗呼火居道番禺雜俎云僧之有室者爲火宅僧今之火居道

平時不蓄髮不持齋在家居處無異常人遇有人家喪事始作道裝誦經茹素意卽番禺雜俎所謂火宅僧之流歟今則生計艱窘布施乏人舊日觀宇多就荒圯壬子有太清宮方丈葛月潭曾發起道教會聯合南北道流上書公府推北平白雲觀爲中華道教總會設關東分會於本宮並立宗教粹通學校及國民小學以資提倡唯道術玄虛無與人事居民雖亦仰企神仙而離塵修道者蓋寡云

天主教

天主教爲基督教之舊派與耶蘇新教異一名加特力教奉羅馬教皇爲宗祖明成祖遣太監鄭和馮保通西洋教徒隨入中國萬曆間意大利教士利瑪竇來北京建天主教堂著書傳教大學士

徐光啓首信之清康熙朝因定曆象聘用南懷仁湯若望等以功賜號通微先生准其於通商口岸築堂傳教英法聯軍之役有內地傳教之約於是英法教師寢遍各省光緒元年法教士來奉天於天祐門外街西建堂百二十楹西教士三中教士一教民凡七百人又於城南高三家子閔指揮屯城北鮑家岡子各設分堂信徒亦數百漸次蕃衍各縣重要城鎮多有教堂內設育嬰堂養老院貧老無告及嬰孩無依者時收養焉其教崇上帝闢多神信靈魂斥偶像惟神權嚴重尠自由平等之習較遜新教傳教士終身不娶教友亦有守童貞者教師之名分較耶蘇爲尊自稱司鐸教友行跪見禮稱之爲神甫供奉聖母馬麗亞其書亦新舊約勸人改悔行善去惡以期靈魂得救光緒間教士袒庇信徒代理詞訟

奸民投身其間倚爲護符往往借其勢欺凌良善遂引起人民仇教思想拳匪之禍教民多不免推其原因亦半由此庚子議和後各國教會開傳教會議教士不得干預中國內政迄今二十餘年相安無事然奉省人民對其教終存鄙夷觀念不若佛老入人者深也

基督教

基督教卽耶蘇教其源出於天主經馬丁路德之改革因立異號以別於天主舊教亦曰新教教義重自由平等非如天主教有教皇之尊嚴有神甫之束縛攜眷傳教不講獨身主義信者稱便風行各國清同治間其教漸入中國北部同治六年始在營口創設福音堂光緒二年至奉天在撫近關街北創立英國長老會分會

以中西教士合組協商教務於十八年建禮拜堂三十楹西教士
三中教士二西女傳道三中女傳道六執事十餘教徒三千三百
餘附設學校及施醫院民國建元教徒鑒於舊時民教不合因疑
生阻乃在撫近關街北創設中華奉天自立基督教會每禮拜日
開會講演不分民教聽者頗多借以啟導愛國思想促進道德觀
念民教交融畛域破除矣各關復設福音堂借廣傳佈各縣城鎮
又設分會組織教義相同民國三年又在德勝門內創立奉天中
國基督教青年會以基督教理培植青年致用社會爲旨歸內設
查經班英語班以及食堂遊藝旅舍浴室無不完備青年學子政
教名流多與往還各縣亦有分會唯規模較隘耳此奉省基督教
之概畧也各鄉縣教會成立年月暨教民數目表列於後

各鄉縣教會成立年月及教民數目表

縣別鄉別	教會數目	成立年月	教民數目
蓋平縣	教會一	光緒七年設	教民三四五人
復縣	教會四	光緒九年設	教民四四四人
大石橋	教會三	光緒一四年設	教民六七九人
營口	教會一	同治六年設	民教五七八人
盤山縣	教會五	光緒十年設	教民四四三人
海城縣	教會一	光緒三年設	教民三五四人
牛莊	教會四	光緒二二年設	教民二三五人
遼陽縣	教會六	光緒八年設	教民七〇七人
達子堡	教會三	光緒二五年設	教民二九八人

小河北教會四

光緒二三年設

教民一三五人

劉二堡教會二

光緒一九年設

教民一一四人

沙河教會二

光緒二五年設

教民一〇七人

本溪縣

教會三

光緒二五年設

教民二十七人

瀋陽東教會一

光緒二年設

教民九八七人

瀋陽西教會六

光緒二四年設

教民六五九人

瀋陽北教會二

民國七年設

教民一二三人

道義屯教會二

光緒二三年設

教民九六人

懿路教會四

光緒一八年設

教民一五九人

沙嶺教會三

光緒一九年設

教民一三一人

撫順縣

教會二

光緒二三年設

教民一四〇人

	白塔鋪	教會三	光緒二三年設	教民二五七人
	土台子	教會四	光緒二三年設	教民二〇四人
開原縣	小三家	教會八	光緒九年設	教民五八三人
鐵嶺縣		教會四	光緒一二年設	教民六八七人
西豐縣		教會一	光緒二八年設	教民一五五人
梨樹縣		教會四	光緒一二年設	教民三三九人
	八面城	教會一	光緒二三年設	教民二三八人
法庫縣	山梨鎮	教會四	光緒一二年設	教民四三一人
遼源縣		教會四	光緒二三年設	教民四一五人
	金家屯	教會二	光緒二三年設	教民一一九人
興京縣		教會四	光緒一七年設	教民一八八人

通化縣

教會二

光緒一七年設

教民一三八人

清源縣

教會二

光緒一七年設

教民一一五人

海龍縣

教會三

光緒二四年設

教民三二二人

山城鎮

教會三

光緒一九年設

教民二五四人

磐石縣

教會一

光緒一九年設

教民二九八人

樺甸縣

教會五

光緒二一年設

教民二九八人

錦州

教會一五

光緒一七年設

教民九八八人

新民縣

教會

光緒一四年設

教民一九八人

小三家

教會一

光緒一五年設

教民一八五人

蘆家屯

教會四

光緒一五年設

教民一二〇人

大民屯

教會四

光緒一五年設

教民二〇七人